








The English translation of this Mi'kmaq parent page is found on page 2 of the Family Activities for Early Learners Resource Book.

KI'L MAW-TMK EKINA'MAT AQQ MAWI-NTA'-KINA'MAT KNIJAN!





Etlewistumk, ekitjemk, ketapekiemk aqq almila'timk te'sikisk'k!

-  Wije'we'n koqoey knijan ketu' tl-lukwet ta'n tujiw almila'tioq.
-  Tlewistuk aqq kitjew knijan L'nu-iktuk.
-  Kina'mu knijan teli-skmamk aqq teli-tpi'kemk koqoey.
-  Apoqnmu knijan kisite'tmn ta'n ketu' tl-lukwet.
-  Mkite'lm knijan ta'n tel-kina'masit.



Etlewistumk





Etlewistumk wejiaq tel-kina'masimk aqq ta'n tela'matimk. Atelkl klusuaqnn nental knijan mita etlewistuoq aqq jiksitat. Kitmu knijan koqoey ta'n welkaj aqq ta'n kisa'lij ankita'sin.

-  Ankaptmuk aqq wsku'tmuk napuikaqnn etekl wi'katikn-iktuk. Wsku'tmuk koqoey ki's nenk ta'n nemitog wi'katikn-iktuk.
-  Mawkiljek – kitmuk te'sik koqoey kikuaq (nkutey piskaqnn, te'sikl sapte'kne'l aqq waqnn nuta'ql, aqq epqwanji'jk nuta'jik mijisimk).
-  Kwile'n ta'n tett nasa'sital knukwatiknn aqq kiljaqnn etekl Kindergarteneq mun'ti eknmuksioqip.
-  Ilamko'tuk wije'tikl aqq pemukwaultitkl amalamu'kl, knukwatiknn, amalikk aqq kiljaqnn (nkutey – pa pa pa 123 123_).



Ekitjemk

Kitjewj knijan te'sikiskik apoqnmakutew nenmn pikwelkl klusuaqnn, ksatmn a'tukwaqnn aqq ksatmn ekina'masimk. Aji-wl-nentew tel-wije'tikl wi'katiknn, knukwatiknn aqq kiljaqnn elmiaq kaqi'sk we'wmoq koqoe'l etekl Kindergarteneq mun'ti aqq wsku'tmoq koqoe'l ta'n tett nemituoql wi'katikn-iktuk, kikuaq aqq wsitqamu'k.

-  Kitmuk mila'mu'kl wi'katiknn ewikasik koqoey ta'n welkaj knijan.
-  La'tik wi'katikno'kuo'm aqq nasa'tik koqoey teliaq na'te'l.
-  Tqwa'tuk napuikaqney-iktuk knukwatiknn aqq kiljaqnn ta'n etekl Kindergarteneq mun'ti, ktapekiatmuk knukwatikney ktapekiaqnn, wi'kmuk knijan wtuisunm ewe'wmoql knukwatiknn etekl Kindergarteneq mun'ti.
-  Kwilmuk knukwatiknn aqq kiljaqnn ewikasikl wi'katikn-iktuk, pa'ks-iktuk kisna tami nemitumk maqwikasik. (nkutey mijipjewey-iktuk)



Ketapekiemk Aqq Milika'timk

Mijua'ji'j kesatmi'tij ketapekiemk aqq milika'timk. Ktapekiaqn apoqnmakwi'tij mijua'ji'jk nenmnew amalta'ql, newte' telta'ql aqq koqoe'l wije'tultikl. Ktapekiaqn weji-kina'masit mijua'ji'j aqq apoqnmaj teli'simk aqq teli-ankita'simk. Ke'sk mijua'ji'j ketapekiet aqq ekitkl ktapekiaqne'l pikwelk koqoey kis-kina'masit wjit teli'simk. Mila'timk aqq milika'timk apoqntik tel-wleyasin aqq ne'kaw siaw-wleyin.

- Ktapekiek, amalkaq, matte'muk kpitnual aqq mawkiljek ke'sk pem-jiksitmoq Kindergartene'l ktapekiaqnn.
- Wije'wmuk ktapekiaqn ke'sk tu'aqn alekemk, tekteskut aqq mesnut.
- Apoqnmu knijan ekina'masit amaltu'an: tu'aqn paskija'lan, aleken, apuipketesman, asuaqtatimk, wjimsnan, alte'tipjeken, itkiteskuan, kisi- newtiptina'tekemk kiswa tapuipkina'tekemk amaltu'amk. Wsku'te'n ta'n tel-lukwen ewe'wmnn ula klusuaqnn: "Ke' ksikaweke tu'aqn/paweke/miawe'k kkatk leke/tapuipkina'teken/newtiptina'teken/we'wmn kkatl. Apuipketesm si'st tu'aqn.
- Apoqnmu knijan kina'masin menaqaj tleyin tu'a'timk.



Almila'timk

Almila'timk melkiknewa'toq telita'simk aqq tel-maw-lukutumk. Almi'jketu'n koqoey nkutey tu'aqn apoqnmaj mijua'ji'j ntawa'qa'teken, ne'tapteken aqq nta' we'wmn wpukwikl aqq wpitnn. We'we'n koqoey ta'n etek Kindergartene'y mun'ti apoqnmuan knijan ntawita'sin.

- Apoqnmu knijan amalitun aqq amalamkwa'tun napuikaqnn ewe'wkl amalamkwa'taqne'l kiswa atuomk kiswa pisew.
- Kwilmuk aqq tmsmuk napuikaqnn ta'n knijan welaptikl etekl sa'qewe'l wi'katikn-iktuk.
- Kwilmuk ta'n tl-naso'tukoq napuikaqnn tami, nkutey pa'ksiji'j-iktuk.
- Mkite'lm knijan wjit koqoey kisitoq aqq naso'tu ta'n msit wen nmittew.

Almila'sin Ewe'mnn Kpitnn

Elu'sknmumkewey apoqnmuatl mijua'ji'jl ntawita'silin, ntawa'gatekelin aqq nta'nikelin. Apoqnmu knijan l'tun koqoey nkutey amalikk, waisisk kiswa knukwatiknn milamu'kl.

Telitumk Elu'sknmumkewey:

- 600 ml wape'jkl (2 ½ c)
- 120 ml salawey (½ c)
- 10 ml cream of tartar (2 tsp.)
- 480 ml kwejaqmiq sam'qwan (2 c)
- 30 ml mimey (2-3 tbsp.)
- 2 pkg. kool-aid

1. Maw-pijo'te'n koqoey aqq menaqaj awiapoqte'e'n.
2. Lu'skne'n, tujiw nike' kis-we'wtes.
3. Tl-klo'te'n kepjoqasit pu'tay kiswa kepjoqasik mun'ti'j.

